



## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In qua tractatur de Virtute ac Sacrameto Pœnitentiæ

**Bosco, Jean a**

**Lovanii, 1670**

Concl. V. Solus amor Dei propter se super omnia, sinè formali & explicito dolore, justificat extra Sacramentum, etiam memorem suorum peccatorum, si possit absque tali dolore Deum propter se super ...

---

[urn:nbn:de:hbz:466:1-73393](https://nbn-resolving.org/urn:nbn:de:hbz:466:1-73393)

Accedit, quod peccatum mortale sit maximum malum Dei, & ex parte hominis summa Dei injuria & offensa; ac proinde venia, quae ipsi offertur, maximum Dei beneficium: quare omnino convenit ut haec solum concedatur peccatori sub obligatione nobilissimi actus, quem potest, efficiendi: talis autem actus est amor Dei propter se super omnia.

Hic ergo requiritur, nisi defectum suppleat specialis favor, ut in Martyrio & Sacramento: in hoc quidem propter merita Christi Institutoris, quae per Sacramentum specialiter hominibus applicantur; in illo vero propter difficultatem operis externi & heroicam fortitudinem, quae requiritur ad mortem pro Christo subeundam. Fortè etiam difficultas Confessionis, quae aliquibus videtur satis magna, aequalis fuit ratio majoris facilitatis obtinendi veniam peccatorum per solum Attritionem in Sacramento Pœnitentiae.

His ita constitutis de dolore, qui elicitur ex motivo dilectionis Dei propter se super omnia, questio superest, an sicut hic dolor justificat extra Sacramentum absque alio actu dilectionis per modum prosecutionis, ita etiam justificet solus amor Dei propter se super omnia, sine formali & explicito dolore. Resolutio erit

CONCLUSIO V.

Solus amor Dei propter se super omnia, sine formali & explicito dolore, justificat extra Sacramentum, etiam memorem suorum peccatorum, si possit absque tali dolore Deum propter se super omnia amare.

Est communis; & probatur potissimum ex illis Scripturis, in quibus formali dilectioni nulla facta mentione Pœnitentiae seu doloris tribuitur efficacia remissionis peccatorum. Luc. 7. v. 47. Remittuntur ei peccata multa, quoniam dilexit multum; cui autem minus dimittitur minus diligit. Proverb. 8. v. 17. Ego diligentes me diligo. Eccli. 34. v. 15. Oculi Dei in diligentes se. Joan. 1. c. 4. v. 7. Omnis qui diligit, ex Deo natus est. Et v. 16. Deus charitas est, & qui manet in charitate, in Deo manet, & Deus in eo. Joan. 14. v. 21. Qui autem diligit me, diliget me a patre meo. Et v. 23. Si quis diligit me, sermonem meum servabit, & Pater meus diligit eum & ad eum venimus (per gratiam sanctificantem) & opad eum mansionem faciemus. Zach. 1. v. 3. Convertimini ad me, ait Dominus exercituum, & convertar ad vos, dicit Dominus exercituum. Quis

autem sanæ mentis dubitare potest, quin per solum amorem Dei propter se super omnia, homo perfectè convertatur ad Deum? Ubi ergo Dominus bonus est, non sit nequam oculus noster, invidens remissionem peccatorum his, quibus Deus illam promisit.

Nec obstat quòd, in aliis locis Scriptura meminerit Pœnitentiae, tamquam necessariae ad remissionem peccatorum; Ezech. 18. v. 30. Convertimini & agite pœnitentiam ab omnibus iniquitatibus vestris, & non erit vobis in ruinam iniquitas. Luc. 13. v. 3. Nisi pœnitentiam habueritis, omnes similiter peribitis. Act. 2. v. 38. Pœnitentiam agite, & baptizetur unusquisque vestrum.

Ex quibus Scriptoris concludit Concilium Tridentinum sess. 14. cap. 1. Fuit Pœnitentia universis hominibus, qui se mortali aliquo peccato inquinassent, quovis tempore ad gratiam & iustitiam assequendam necessaria. Et cap. 4. Fuit quovis tempore ad impetrandam veniam peccatorum hic Contritionis motus necessarius. Hic, inquam, Contritionis motus, id est, animi dolor & detestatio de peccato commisso cum proposito non peccandi de cetero.

Hæc, dico, non obstant Conclusioni, quia commodè intelligi possunt, immo debent, de Pœnitentia formali & explicita vel actu æquivalente, qualis est dilectio Dei propter se super omnia: alioquin cui nullum peccatum occurreret in genere, vel in specie, non posset justificari, & per consequens non salvari. Patet, quia peccatum est objectum terminativum explicitæ & formalis Pœnitentiae, potè sine objecto terminativo impossibilis est actus, ut omnes fatentur. Quis autem credat in tali homine salutem omnino esse impossibilem?

Possibile esse, in terminis docet Scotus 4. dist. 14. q. 1. n. 17. ibi: Intelligitur etiam Conclusio de requiri non simpliciter necessario casus oppositum includit contradictionem: quia posset Deus remittere (peccatum mortale) sine omni actu illius, cui remittitur. Sed nec de requiri necessario, supposito actu hominis, cui remittit; posset enim Deus remittere per aliquem motum ferventem dilectionis in Deum absque quocumque; quatuor predictorum actuum (loquitur de actibus Pœnitentiae) sub propria ratione, utpote in actu fervoris ad Martyrium statim sustinendum, ubi forte non esset cogitatio de aliquo peccato mortali prius commisso, nec per consequens aliquod penitere predictum, & hoc formaliter, licet virtualiter in illo motu esset penitere iuxta secundam significationem, id est, detestatio de peccato commisso.

Et istud probatur (prosequitur Doctor n. 18.) quia nullus excluditur à regno celorum, qui facit illud, quod simpliciter est necessarium: sed est possibile aliquem usque ad instanti A. existentem in peccato mortali, ab instanti A. necessitari ad voto corde insistentem circa actus distrabentes à cogitatione de peccato commisso, utpote statim exposito Martyria

167. Objectio ex Scriptura. Ezech. 18.

Luc. 13. Act. 2.

& Concil. Trident.

162. Responsio, quod Scriptura & Conc. intelligi debent de Pœnitentia explicita vel actu æquivalente.

163. Homo immemor peccatorum potest justificari ex voto.

em 154. Fides, quæ credo, me posse just. Cui, non est spes veniæ ex Trident. que iam esse litem. 155. Tertio arguit Arist. 156. Habitus charitatis recte dicitur esse in corde. non in virtutibus. 157. Peccatum magis dicitur esse expellere habitum charitatis, quam aliorum virtutum.



antissimo. Ecce qualiter Scotus astruat nostram Conclusionem.

164. An proprie-  
ta doceat  
nostram  
Conclusio-  
nem?

Minimè, inquis; nam solum loquitur de casu particulari, quando videlicet non occurrit memoria peccatorum, & alioquin peccator non potest salvari: cum hoc tamen optimè fiat, regulariter amorem non iustificare sine formali & explicita Penitentia; cum enim hi actus non habeant ex natura sua vim iustificandi, sed ex libera acceptatione Dei, potuit optimè Deus statuere, ut non sufficeret amor, quando est memoria peccatorum, & consequenter quando potest facile haberi dolor, est in casu oblivionis, & periculo damnationis sufficeret.

165. Sentit ad delectionem peccati regulariter requiritur explicitam Penitentiam.

Atque sic statutum esse, consentit Scotus eadem questione nu. 10. ibi: *De re est ista Conclusio, quod ad delectionem peccati regulariter requiritur pena vel punitio voluntaria, Et n. 18. ibi: Ex propter hoc dictum est in Conclusione (mox allegata) quod requiritur (Penitentia formalis & explicita) ad hoc, ut peccatum mortale regulariter deleatur: quia dicitur regulariter fieri, quod sit secundum regulas determinatas à sapientia divina; quarum hac est una: Quod peccatum commissum non deleatur sine displicentia de peccato commissio: que apparet multum rationabilis, quia sicut peccatum avertit à fine, & convertit ad creaturam, ita rationabile est, quod non deleatur nisi per motum oppositum, avertentem à peccato, sive creatura, ut circa illam fuit peccatum, & convertentem ad Deum.*

166. Hanc necessitatem non negat Conclusio, quia in memorie peccatorum regulariter non invenitur amor sine explicita Penitentia.

Hic haereo, & ut verum fatear, videtur Doctor in verbis jam jam citatis agnoscere necessitatem formalem & explicitam Penitentiae regulariter, sed & illam non negat nostra Conclusio, affirmans sufficere amorem Dei propter se super omnia, quoniam hic amor regulariter non invenitur in homine peccatore, qui cogitat de peccato mortali commissio, sine formali & explicita Penitentia.

Etenim, ut dixi Conclus. 3. idem actus Contritionis, qui formaliter est recessus à peccato, saltem virtualiter & æquivalenter est accessus ad bonitatem divinam, & è converso, idem actus amoris, qui formaliter est accessus ad bonitatem divinam, saltem virtualiter & æquivalenter est recessus ab opposito peccato; quia videlicet ratione ejusdem motivi unus istorum actuum natus est ex alio sequi, si objectum ejus terminativum sufficienter proponatur, ut supponitur in præfenti casu fieri per actualem considerationem peccati mortalis commissi; quid ergo mirum si communiter non deleatur peccatum mortale absque formali & explicita Penitentia?

167. Objectio.

Hinc solvitur ista objectio: in actu imperante continetur virtualiter actus imperatus, & tamen non semper habet imperatus æqualem bonitatem, adeoque nec æqualem effectum in ordine ad justitiam primam vel se-

cundam, quem habet actus imperatus; nam per actum religionis, aut Penitentiae specialis, possum imperare actum charitatis, seu perfectam Contritionem. Licet ergo actus dilectionis contineat virtualiter Contritionem, non propterea habebit ejus bonitatem, & per consequens effectum remissionis peccatorum.

Respondeo; aliud esse contineri in alio, ut in causa vel applicante, & aliud ut in voluntate æquivalente. Prima continentia non sufficit, quia actus imperatus potest habere distinctum motivum intrinsecum excellentius, cujus perfectionem non attingit actus imperans, ut patet in exemplo allegato. Secunda continentia abundè sufficit, quoniam uterque actus habet idem motivum, & tendit ad idem objectum, licet unus magis directè & explicitè, quàm alius. Dilectio namque præfert Deum rebus omnibus creatis, atque adeo implicitè vult omnia creata possidere ne ipsum offendant; Contritio quoque ex eodem motivo dolet, quod per peccatum creatura fuerit anteposita: igitur quoad effectum idem vult Contritio, quod dilectio, & è contra.

Idèoque putant aliqui absolute fieri non posse, ut homo qui actualiter cogitat de peccato mortali à se commissio, & nondum remisso, amet Deum propter se super omnia, sine formali & explicito dolore de peccato commissio, sicut intentio effici non potest subsistere sine electione mediæ necessarii ad consequendum finem intentum.

Sed contra facit, quod Contritio non sit semper medium necessarium ad istam dilectionem Dei super omnia; cum enim præceptum Penitentiae sit affirmativum, non pro semper obligat, sed tantum pro certo tempore, ut sequenti Sectione videbimus: igitur potest peccator velle super omnia Deum propter se diligere, & actu diligere, etsi non velit elicere formalem Contritionem, nec actu elicere, quandoquidem ad finem suum non sit necessarius; in hoc siquidem consistit perfectio istius dilectionis, quod homo malitè quilibet faceret, aut pati, quàm Deum mortaliter offendere; nisi ergo peccator apprehendat Contritionem formalem hic & nunc omitti non posse sine novo peccato mortali, non videtur ex hoc capite necessitari ad illam eliciendam, sed sufficit quod habeat propositum illam eliciendi suo tempore.

Enim verò dilectio Dei per se solum tendit ad conjungendum amantem ex parte sua statim cum Deo, non verò ut amatus conjungatur se & redamet amantem; immo posset aliquis ex amore desiderare odio haberi ab amato, si id bonum, & melius judicaret ipsi amato esse: verus enim amor non querit quod suum est, sed quod bonum est amato. Non ergo est necesse, quod

quod dilectio Dei sit voluntas efficax delendi suam culpam habitualement; hoc enim non est amare, sed velle amari à Deo: sufficit ergo quod velit efficaciter delere peccatum habituale, quando id necessarium erit ad obediendum Deo, vel non committendum novum peccatum.

Cum hoc tamen fiat, inquit Lugo disp. 5. n. 96. quod communiter ex dilectione actuali Dei, & memoria peccatorum oritur statim Penitentia & dolor de illis; non quia apprehendantur ii actus necessarii ad expulsiorem peccati habitualis, sed quia ex amore alicujus obiecti statim oritur odium contrarii; sic enim ex amore Petri, si audio eum egrotasse, maxime ex mea culpa, oritur statim displicentia & morbi & meae culpa, licet utrumque transierit, hæc tamen connexio non est adeo necessaria, ut non possit unquam impediri: amor enim efficax solum videtur asserere necessarium voluntatem eorum, quæ adhiberi oportet à me in bonum necessarium illius quem amo, & ad conservandam conjunctionem affectivam cum illo. Hactenus Cardinalis.

Sed videamus num hic Auctor fat expenderit naturam charitatis, quæ Deum propter se diligimus. Charitas ( inquit Doctor Subtilis 3. dist. 27. q. 1. n. 20. ) proprie potest dici amicitia, licet non omnino accipiendo amicitiam strictè, sicut accipit Philosophus ibi ( 8. Ethic. ) sed aliquantulum extendendo, sicut secundum intentionem eius, ad Deum est aliquid excellentius amicitia. Illa enim excellentia obiecti, non tollit quod est perfectionis in obiecto, sed illud quod est imperfectionis. Invenit quippe in diligibili, & redamatio in dilecto sunt conditiones per se in diligibili, non quidem imperfectionis, immo non esse perfectior, si non redamaret: sed equalitas in istis est conditio concomitans. Deus autem habet honestatem, & redamationem sicut amicitiam, & excellentius potest esse amicitia ad ipsum, ita ut dicatur super amicitia. In quibus verbis Scotus inter conditiones per se amicitia enumerat redamationem dilecti.

Et verò amor Dei propter se super omnia, nonne actus est amicitia? Qui ergo illum vult, quomodo non etiam debet velle, saltem implicitè, redamationem dilecti? Hanc autem non potest velle, nisi velit tollere illud, propter quod meretur odium dilecti, quale est peccatum habituale: ergo non videtur posse amare Deum amore amicitia super omnia, nisi ipsi displiceat peccatum præteritum, quod impedit redamationem dilecti.

Nonne Christus ait: Qui diligit me, diligetur à Patre meo, & ego diligam eum, & manifestabo eum ipsam. Joan. 14. v. 21. ? Quomodo ergo possum velle diligere Christum, & non velle saltem implicitè dilectionem Patris & Christi? Quomodo autem possum velle dilectionem Patris & Christi, nisi velim tollere peccatum habituale, quod novi impedire illam dilectionem? Igitur necessarium displicet peccatori pec-

catum habituale tamquæ grave aliquod malum dilecti, propter quod meritò non redamatur.

Numquid pater qui filium suum vehementer diligit, & videt illi grave aliquod malum accidere, maxime si ex sua culpa, ex naturali eo affectu necessarium prorumpit in odium istius mali, & concipit statim voluntatem, quantum est ex se efficacem, illud malum propulsandi?

Sanè experientia demonstrat, si offendimus graviter amicum, & eum postea vehementer iterum amare incipimus, supposità recordatione offensæ, haud posse nos continere pudorem ac dolorem, potissimum si adhuc cognoscimus eam offensam non esse extinctam. Et potero continere dolorem de peccato à me commissio, per quod video me graviter offendisse & quodammodò adhuc offendere Deum, quem propter se super omnia amo, adeò ut malum omnia perdere, quàm illum de novo offendere? Non videtur moraliter possibile.

Si respondeas, eo ipso quò quis diligit Deum super omnia, tollitur peccatum habituale, estò non sequatur nova illius detestatio. Contrà, hoc est quod queritur, & ab aliis negatur, quando nova detestatio commodè potest haberi, adeoque cum saltem sit dubia permanentia istius peccati, non videtur sincerè amare Deum propter se super omnia, qui cum possit ipsi facillimè certò reconciliari eliciendo formalem & explicitum dolorem, qui quasi naturaliter ex illo amore sequitur, quasi violenter sine aliqua causa ipsum differt ad aliud tempus, cum periculo interea manendi capitalis hostis & inimici Dei, quem propter se super omnia dicit se amare.

Neque ex hac doctrina sequitur, etiam necessarium dolendum de peccatis remissis, & peccatis alienis; quis namque dolet sanitatem amisam, postquam eandem perfecte recuperavit? Morbus ablatus quasi pro nihilo reputatur, sic etiam peccatum perfecte remissum. Et verò peccata aliena quæ talia, sicuti non sunt materia propositi de cætero non peccandi, quod utique propositum includitur in amore Dei super omnia, ita pariter non sunt materia necessaria detestationis de peccato commissio; detestationis, inquam, ex illo amore infallibiliter provenientis, seu illi amori moraliter semper conjunctæ.

Atque ut sequelam illam concederemus, quid tum? Si ( inquit Arriaga disp. 7. n. 4. ) dum eum amorem eliciamus, recordamur commissio- rum peccatorum, valde probabile est nos eo ipso cogi ad detestanda omnia antiqua peccata; neque video unde dici possit hoc esse contra experientiam, quia quando amor ille solus est, non solet esse attentio intellectus ad peccata, sed purè putè ad infinitam Dei bonitatem. Et n. 6. sic ait: Probabilissimè possumus admittere sequelam, scilicet si homo advertat ad peccata aliena, cogendum tunc ad ea detestanda seu ad displicentiam in illis. Hæc ille.

173. Probatur exemplo patris, qui filium vehementer diligit,

& experientia. Adversario non rejiciatur.

174. Responsio Adversario non rejiciatur.

175. An necessarium dolendum de peccatis remissis, & peccatis alienis.

176. Probabilissimè affirmat Arriaga.



Exemplum matris ex-tremam amantem filium.

Profecdo experientia testatur matrem extremam amantem filium, non posse non dolere si illum videat aliquid grave malum actu patientem, sive a se, sive ab alio inferatur; porro peccata aliena sunt malum extrinsecum Dei, sicut nostra: ergo qui videt Deum illa patientem, quidni cogatur quodammodo ad dolendum, si ipsum super omnia amet?

177. Ex hypothese quod possit elici amor Dei super omnia sine explicito dolore videtur iustitiae.

Ceterum si a me quaeritur, utrum ex hypothese possibili, vel impossibili, quod amor Dei super omnia eliceretur absque formali & explicita detestatione de peccatis commissis, & cognitio ut non remissis, utrum, inquam, solus iste amor iustificaret extra Sacramentum?

Respondeo citius, me non videre rationem efficacem id negandi, licet extra controversiam sit, in potestate Dei fuisse rem ita disponere, ut non sufficeret talis amor; & sic dispositum fuisse, aliqua Scripturae loca videantur probabiliter significare, illa videlicet, ex quibus Concilium Tridentinum sess. 24. c. 4. colligit, motum Contritionis omni tempore fuisse necessarium ad impetrandam veniam peccatorum.

178.

Verum cum hac necessitas non sit tam universalis, quin patiatur exceptionem in casu oblivionis peccatorum, in quo sufficit, etiam ex sententia Adversariorum, solus amor Dei super omnia, cur non etiam in casu extraordinario & rarissimo memoria peccatorum?

Scriptura aliquando tribuit remissionem peccatorum charitati nulla facta mentione Penitentiae.

Etenim Scriptura, ut supra vidimus, generaliter nullam factam mentionem formalem & explicitam Penitentiae, tribuit remissionem peccatorum veram charitati seu dilectioni Dei super omnia, quam alibi tribuit formali & explicitae Penitentiae, absque expressa mentione alterius actus charitatis, fortassis, ideo ut significet utrumque actum seorsim sufficere, utique propter virtutem saltem continentiam unius in altero, sicuti propter similem continentiam diximus Concil. 2. non requiri expressum & formale propositum de cetero non peccandi, licet Concilium Trident. supra simpliciter & generaliter requiratur ad veram Contritionem propositum de cetero non peccandi.

179. Quomodo amor super omnia virtualiter continet dolorem.

Porro amor super omnia virtualiter continet dolorem, tum quia ad illum determinatam occasione, tum quia totum motivum istius doloris continet, tum quia implicitè dolet. Nam Deum amare super omnia, est amare illum super omne peccatum; est item illum praeferre omnibus, non solum pro tempore futuro & praesenti, sed etiam pro praeterito, ac proinde ibi est implicitè nolle peccasse, seu, si per impossibile poneretur jam in tempore praeterito, nollet tunc offendere Deum, hoc autem est odio habere quod peccaverit; qui enim dicit: Non facerem, si iam essem in illis occasionibus, eo ipso dolet se illud tunc fecisse: ergo sufficit ad iustificandum, etiam si fortè hic & nunc non sequatur ex illo ullus dolor. Ita Arriaga supra n. 14.

Arriaga.

Neque repugnat Scotus, quia cum Concilio Trident. locutus fuit de naturali & ordinario modo, quo impossibile est, hominem memorem suorum peccatorum, amare Deum super omnia, & non illud formaliter & explicitè dolere de peccatis commissis; & non remissis.

Dico, Super omnia; quia sicut aliqua complacentia vel amor simplex, quo non magis amo Deum quam omnia, sed praesens plus quam unam & alteram creaturam, haudquaquam includit propositum de cetero non peccandi, sed optimè coheret cum voluntate Deum graviter offendendi, ita quoque huiusmodi amor nequitiam cogit ad dolendum de omnibus peccatis praeteritis, sed fortè de uno tantum aut altero, adeoque minime sufficit ad iustificationem, in qua cum remissione peccatorum mortalium nullo excepto (quia de facto unum peccatum mortale non remittitur sine alio) haec omnia simul insula accipit homo per Jesum Christum, cui inferitur Fidem, Spem, & Charitatem.

Igitur de amore perfecto & super omnia loquitur Scriptura illis locis, in quibus dilectioni sive charitati attribuit effectum remissionis peccatorum, tametsi expressis verbis id non semper declarat.

Sed numquid aliquando declarat? Audi Apostolus Rom. 13. v. 10. Plenitudo, inquit, legis est dilectio. Non unius aut alterius praeccepti adimpletio, sed omnium, ad minus quae obligant sub mortali, est vera & sincera dilectio, quae absolute & simpliciter illo nomine meretur appellari.

Nonne Deum elegit pauperes in hoc mundo, interrogat Jacobus Apostolus Epist. c. 2. v. 5. divites in fide & haeredes regni, quod repromisit Deus diligentibus se? Et subdit v. seq. Vos autem ex honoratis pauperem. Nonne divites per potentiam opprimunt vos &c? Quali diceret: vos qui ex honoratis pauperem, non estis divites in fide & haeredes regni, quod repromisit Deus diligentibus se; quia verè Deum non diligitis, tametsi aliquas ejus leges servaveritis.

Unde v. 10. & 11. sic inquit: Quicumque totam legem servaverit, offendat autem in uno (id est, praeterquam unam) factus est omnium reus. Qui enim dixit, Non machaberis, dixit & Non occides. Quod si non machaberis, occides autem, factus es transgressor legis.

Quod probè intelligens Apostolus, quem diligebat Jesus Epist. 1. c. 4. v. 20. ait: Si quis dixerit, quoniam diligo Deum, & fratrem suum oderit, mendax est. Unde Christus Joan. 14. v. 23. non dixit: Si quis diligit me sermonem meum unum aut alterum servabit; sed universaliter & indefinitè: Si quis diligit me, sermonem meum servabit. Et Joan. 15. v. 10. Si praeccepta mea servaveritis, manebitis in dilectione mea, sicut & ego Patris mei praeccepta servavi, & maneo in eius dilectione. Item v. 14. Vos amici mei estis, si feceritis, quae ego praecipio vobis.

Nec

Nec valet argumentum; possum esse amicus hominis, cumque sincerè diligere, est non sim paratus ad amittendum meum honorem & omnia mea in gratiam illius; multò autem magis etiam si non sim paratus alios omnes offendere citius, quam illum: ergo pari ratione potero esse amicus Dei, licet non sim paratus omnia omnino illi postponere, vel propter illum vitam omniaque mea amittere.

Hoc, inquam, argumentum non valet; nam ratio disparitatis est manifestissima, puta, quia homo est homo, qui potest iniqua peccare; Deus autem est Deus, cujus natura bonitas, & in quem non cadit peccatum, nihilque precipere potest, quod non ex omni parte sit honestum, & obligans independentè à titulo amicitiae. Quid ergo miram, si ratione amicitiae teneat ita Deum amare, ut illum omnibus praeferam; hoc est, ut malim omnia amittere, quam ullum peccatum mortale committere?

Sed hæc satis de amore Dei super omnia, revertamur ad Contritionem charitate perfectam, quæ & ipsa est formalis (licet non explicitus) amor super omnia, ut ostendimus Conclusionè præcedenti; & ideo erit

CONCLUSIO VI.

Contritio charitate perfecta detestatur omnia peccata mortalia; non est necesse quòd singula in particulari.

Prima pars est certa, & in omnibus scholis recepta. Probatur abundè ex jam dictis de amore super omnia, qui utique Deum omnibus præfert, hoc est, mavult omnia amittere, quam ullum peccatum mortale committere: ergo Contritio perfecta, quæ procedit ex tali amore, imò formaliter (licet non explicitè) est talis amor, necessariò detestatur omne peccatum mortale commissum, & non tantum hoc, vel illud, positivè sibi in aliis complacendo. Consequentià est manifesta, quia hujusmodi complacentià est actuale peccatum, cum quo absolutè nequit stare amor Dei super omnia communi calculo Doctorum.

Sed numquid requiritur positiva & formalis seu expressa displicentià omnium peccatorum, quæ memoriæ occurrunt, aded ut non sufficeret ad justificationem, detestatio unius tantum ex motivo veræ charitatis, v. g. detestatio solius injustitiæ, in quantum est offensa gravis divinæ bonitatis, reservando detestationem luxuriæ in aliud tempus?

Ratio dubitandi est, quia secundum ali-

quos, potest peccator amare Deum super omnia & justificari, tamen si pro hoc tempore nolit formaliter detestari ullum peccatum; cur ergo similiter non possit amare Deum super omnia, & ex illo amore tantum detestari unum peccatum? Si enim bonitas divina amata super omnia non cogit me ad detestationem, vel saltem ubius peccati, quare cogit me ad detestationem omnium, si unum detestor?

Si respondeas; quia motivum detestationis est universale, scilicet offensa divina: ergo si detestatur injulitiam, quia offensa divina gravis; etiam necessariò detestatur luxuriam, quoniam & ipsa est gravis offensa divina. Contrà facit, quòd etiam bonitas divina sit motivum universale & commune tam amoris Dei super omnia, tum detestationis peccatorum, tam præteritorum, quam futurorum: ergo si propter illam nolo peccatum futurum, etiam propter eandem necessariò nolo, quantum in me est, peccatum præteritum, præsertim nondum remissum; æqualiter enim repugnant bonitati divinæ peccatum commissum, & committendum. Igitur ex hac parte non apparet sufficiens ratio disparitatis. Si alia sit, viderint ipsi.

Nos dicimus fieri non posse, ut quis practicè advertens plura peccata mortalia tamquam detestanda, unum detestetur ex amore Dei super omnia, id est, quatenus offensa gravis bonitatis divinæ à se super omnia amata, & non detestetur alterum, quòd similiter est gravis offensa ejusdem bonitatis divinæ; cum enim absolutè ipsi displiceat offensa divina gravis, abstrahendo à tali vel tali gravitate, aut quocumque alio motivo particulari, planè necessarium est, ut ipsi displiceat illa offensa in quocumque objecto reperitur, sive formaliter & expressè, si objectum illud voluntati explicitè proponatur, sive implicitè & virtualiter, si illius practicè non recordetur.

Probant nonnulli hanc veritatem à simili ex assensu fidei; nam licet hic interdum versetur circa definitam aliquam veritatem, si tamen sit ex puro motivo fidei, semper est universalis virtualiter, id est, includens hunc affectum ex parte credentis, nimirum, illum esse paratum ad credendum quamcumque aliam veritatem sub illo motivo sufficienter propositam; quia motivum est omnino idem in omnibus particularibus objectis materialibus, & in eotalem habent connexionem omnes illæ veritates particulares, ut non possit una negari, quin destruantur omnes.

Quod à contrario etiam explicatur, quia propter hanc causam non potest aliquis verà fide credere unum articulum, si alium sufficienter propositum neget: idem ergo erit quoties motivum simile fuerit. Ita Suarez disp. 3. sect. 8. n. 4.

Adde aliud simile ex eodem Auctore ibidem

parre affirmativa secundum aliquam sententiam.

185. Responso ad illam rationem.

Rejicitur.

186.

Auctor tenet partem negativam.

187.

Probat ab aliquibus à simili ex assensu fidei.

188.

Aliud simile.